

Kontuola

ANTZUOLA / Egubakoitza / 2004eko maiatzaren 14a / 201. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02



laz Aramaion ospatu zuten Joko Tradizionalen Topaketa.

Joko Tradizionalen III. Topaketa, eguaztenean

Goieskolak, Debagoieneko herri ikastetxeen elkarteak, hirugarren aldiz antolatu du Joko Tradizionalen Topaketa. Aurten, Antzuola aukeratu dute horretarako. Datorren eguaztenean, maiatzak 19, izango da hori, frontoian; 10:00etan hasi eta 16:30ean amaituko dira ekitaldiak.

DEBAGOIENEN HERRI ESKOLAK

Debagoieneko herri ikastetxe edo eskola gehienetatik 170 bat neska-mutiko etorriko dira eguazte-

nean Antzuolara; honako ikastetxe haueetatik, hain justu: Bergarako San Martin, Eskoriatzako Luis Ezeiza, Aretxabaletako Kurtzebarri, Aramaioko San Martin, eta Arrasate, Elgeta eta Antzuolako herri ikastetxeetatik; Debagoienekoekin batera, Soraluze-ko Herri Ikastetxeko ikasleak ere Antzuolan izango dira. Oñatikok, berriz, ez dute parte hartuko, egun horretan irteera egitekoak dira eta. Laugarren mailako ikasleek hartuko dute parte.

ERA GUZTIETAKO JOKOAK

Goizean, 10:00etan hasita, herri kirolak egingo dituzte, taldeka: zaku lasterketak, harri-jasotzea, soka-tira, txinga eramatea, lokotx bilteta... Bazkalostean, berriz, 14:30 aldera, hainbat txokotatik pasatuko dira taldeak, eta era guztietako jolas tradizioletan ibiltzeko aukera izango dute: kro-moetan, gomarekin, dokean, hariekin, tortolosekin, yo-yoarekin, boloetan, intxaurrekin, diabolarekin...

JAIK

San Isidro eguna ospatuko dute bihar

AINTZANE IRIZAR

Bihar, zapatua, San Isidro eguna ospatuko dute. Bi ekitaldi berezi egongo dira aurten: Nartxi Saralegi aizkolariaren omenez herri kirol erakustaldia eta Anelkarreren Elkartasun Festa.

Herri kirolak frontoian izango dira, 17:15ean. Antolatzaileek Felix Berraondo zenari omenaldia egingo diote. Goenatxo, Izeta eta Ostolaza harri-jasotzaileek, eta Peñagarikano, Arrozpide, Saralegi eta Aranberri aizkolariak parte hartuko dute.


ELKARTASUN FESTA

Anelkarrek, bestalde, Elkartasun Festa antolatu du. Pintxoak saltzeko postua jarriko dute pla-

zan. Batutako dirua hiru misiolari antzuolarri laguntzeko izango da: Brasilen dagoen Juan Antonio Lizarralderi, errota bat egiteko; Ana Mari Iturberi, Ekuadorreko indigenei laguntzeko; eta Maria Antonia Etxezarretari, Uruguayko emakumeen heziketa bultzatzeko.

GOIZEAN, AZOKA

Goizean, berriz, 09:00etatik 14:00etara, artisau eta ganadu azoka izango dugu. Era guztietako produktuak izango ditugu: xaboiak, bastoiak, lore lehorrak, txirulak, pilotak...; 10:30ean, Trekutx elkartearen salda banatuko dute; 11:00etan, meza; 12:00etan, txistulariek kalejira egingo dute; eta 12:30ean, trikitilariek.



Aizkolariak eta harri-jasotzaileak izango ditugu frontoian, San Isidro egunean.

LARREA

TABERNA

Kalebarren 17
ANTZUOLA

Tomas Gezalaga

**Zoruen kutxilatuta
eta
bernizatzea**

Kalegoi 21
Tel.: eta faxa 943 76 64 07
Poltsikokoa 616 277 999
ANTZUOLA / BERGARA

ANTZUOLA

Apainketak eta
isolamenduak
Pladurrezko dibisioak

Kalegoi 21 ANTZUOLA
676 997 400
Biltegia: 943 78 70 40

Tomas Gezalaga

**Apainketarako eta
industriarako pinturak**

Paper margotuak

Moketak eta tapizatuak

Kalegoi 21
Tel.: eta faxa 943 76 64 07
Poltsikokoa 616 277 999
ANTZUOLA / BERGARA

GAILUR

taberna eta
gozotegia

Buztinzuri 13 ANTZUOLA
Tel.: 943 78 70 32

ELKARRIZKETA

ITZIAR ALBERDI/BADIHARDUGU ELKARTEKO AHOZKO ONDAREA JASOTZEKO ARDURADUNA

“XX. mende hasieran jaio zirenengandik garai hartako kontuak jaso nahi ditugu”

Badihardugu elkarte Antzuolako ahozko ondarea jasotzen hasiko da laster. Helburu horrekin, adineko hainbat herritar elkarrizketatuko dituzte. Itziar Alberdi eibartarra da lan horren arduraduna.

Noiz hasiko zarete lanean?

Laster hasiko gara, datorren astean elkarrizketak egiten hasiteko moduan egongo garela espero dut. Herriko adineko hainbat lagun elkarrizketatuko ditugu. Dena dela, aurrez ere eginda zeuden hainbat grabazio eta horiek ere sailkatuko ditugu; hainbat proiektutarako egin izan dira Antzuolan grabazio horiek: euskara elkarteak egindakoak badaude, bertako euskara jasotzeko egindako ikerketetarako...

Zein da zuen helburua?

Guk nahi duguna da historia txikiak jasotzea; dokumentuetan eta artxiboetan jasotzen ez den historia jasotzea da gure helburua. Artxiboetan datu mordoa topatu dezakezu, baina, ez duzu topatuko benetan garai hartako bizimodua zelakoa zen: garai hori bizi izan zutenen esperientziak, bizimoduak, ohiturak, lan

egiteko moduak, pentsaerak ez dituzu jasotzen. Guk nahi duguna da XX. mende hasieran jaio ziren herritarrengandik ahoz jasotzea eurek bizi izandako sasoi hura.

Hori guztia, gainera, bertako euskalkian jasotzea da zuen beste helburua, ezta?

Bai, baina, guk ez dugu planteatzen lan filologiko bat egitea; guk istorioak jasoko ditugu eta istorio horiek bertako euskalkian jasoko ditugu, gainera. Hori, noski, oso aberasgarria izango da; azken baten, ez dituzu kontaktuzun batzuk bakarrik jasotzen, baizik eta modu konkretu baten jasotzen dituzu, bertako euskalkian, alegia.

Ondare hitza erabiltzean, badirudi galtzen doan zerbaiten gainean berba egiten dugula. Hala da? Ahozko ondare hori galtzen doa?

Bai, neurri handi baten, bai; askotan, ondare hitza gauza fisiko batekin lotzen dugu, monumentu eta eraikinekin; horri garrantzia handia ematen zaio eta babestu behar direla uste dugu eta hala da; oso kontzientziatuta gauden, gaur egun, gai horrekin. Ahozko ondarearen kasuan, orain lan hau egiten ez bada, protagonistak doazenean, daukaten altxor hori



KONTUOLA

eurekin batera joango da. Horren gainean ere kontzientzia hartu behar dugu.

Jasotako horrekin zer egingo duzue?

Euskarri digitalean jasotzen dugu guztia; gero, jasotakoa sail-

katu egiten dugu. Lan hori guztia Udalaren esku geratuko da. Guk nahi duguna da, gero, edozein herritarrek material hori erabiltzeko aukera izatea: interesa duen edozein herritarrek, kazetariok, ikasleek, ikerlariek...

KIROLA

Gazte mailako taldeak finala jokatu du

AINTZANE IRIZAR

Aurreko asteburuko partiduen ondoren, bere taldeko lidergoa ziurtatu zuen gazte mailako futbol taldeak. Gauzak horrela, datorren asteko asteburuan, kopako finala jokatu dute antzuolarrek, beste taldeko liderraren aurka, Amara Berri taldearen aurka, hain justu.

Igoera faserako ezin izan zen sailkatu Antzuola Kirol Elkarteke gazte mailako taldea; baina, kopan oso ondo ibili dira, eta euren taldean, lehenengo postuan geratu dira. Alde nabarmenarekin, gainera. 28 puntu dituzte oraingoz, eta 21 besterik ez ditu bigarren taldeak, Axularrek. Gainera, 44 gol sartu dituzte kopan antzuolarrek, eta bigarren gera-

tu direnek, 30 besterik ez. Gauzak horrela, aurreko asteburuan erabakita geratu zen Antzuola izango dela bigarren mailako gazte mailako finala jokatu duena. Amara Berriren aurka jokatu du, maiatzaren 23an.

ERREGIONALEK BUKATU DUTE

Erregional mailako taldeak, berriz, aurreko asteburuan buka-

tu zuen denboraldia. Ez zion bate-re amaiera txukuna eman denboraldiari: 10 eta 1 galdu zuen Landexaren aurka. Seigarren tokian geratu dira, 10 punturekin. Kopan jokatu dituzten 14 partiduetatik bi irabazi, 8 galdu eta 4 berdindu dituzte. Neskek ere agur esan diote denboraldiari; azkeneko partidua, Urkiren aurka, 1 eta 0 galdu zuten.

Gimnastak Gipuzkoako txapelkun

Aurreko asteburuan Ibarren jokatu zen Gipuzkoako Gimnasia Erritmiko Txapelketan. Alebin mailan, taldekako txapela irabazi zuten. Banaka, berriz, Lide Toledok irabazi zuen; Gazteen mailan, berriz, Uxue Arregik irabazi zuen. Horrela, Euskadiko txapelketarako sailkatu dira guztiak.

Berraondok bihar, zapatua, jokatu du finala

Bihar, zapatua, jokatu du Aritz Berraondok bigarren mailako eskuz banakako txapelketako finala. Txapelketa irabazten badu, lehen mailara igoko da. Orain dela bi aste Iñigo Leitzari 22 eta 17 irabazita sailkatu zen finalerako. Galartza V.aren aurka lehia-tuko da, Labrit pilotalekuan.

Trenaren gaineko erakusketa datozen bi asteburuetan

Atzo, eguna, zabaldu zuten Durango-Zumarraga trenbidearen gaineko erakusketa. Juanjo Olaizolaren hitzaldia ere atzo izan zen. Datozen bi asteburuetan egongo da zabalik erakusketa. Trenarekin lotutako hainbat material egongo da ikusgai: argazkiak, dokumentuak, planoak, treneko txartelak...

Herritarren Zerrendak 121 sinadura batu ditu

Europar Batasuneko hauteskundeetarako aurkeztu ahal izateko, 15.000 sinadura batu behar zituen Herritarren Zerrendak. Antzuolan 121 sinadura batu dituzte; Deba-goienean, 2.380; eta Hego Euskal Herrian, berriz, 49.000.

SUKALDEKO ALTZARIAK
Harizki

MUEBLES IGEA

Sukalderako eta bainurako altzariak
Altzari rustikoetan
espezializatuak

zabalo
IGELTSEROTZA

Jose Luis Zabalo

Kalegoi 9, 1. solairua
ANTZUOLA.
Tel. 943 76 60 89
Faxa: 943 76 60 14

ZAHAR BERRITZEAK:
Fatxadak
Bainugela eta sukaldea
Lokal komertzialak
Teilatuak

**Eta orain....
GREMIOEN
KOORDINAZIOA**